

郭陽秀等謹以香果之真敢昭告于嘉潤侯  
竊以至道無方精誠有感凡禱祈以通幽諒  
神明而應兆茲者時值元陽久憇甘澍寔下  
民積慶以彌深仰

上聖垂慈而密佑伏願油雲湧布迄虛空渺  
邈之鄉霈澤普施徧日月照臨之所塵埃頓  
息苗稼重甦變凶荒而作豐登消疢癘而為  
吉慶在在處處一切含靈俱沐  
天恩感蒙道隆

賀雨醮謝文

伏以神龍薦杜克符元首之禎風雨應期足  
表精誠之感否泰交通雲雷混合雷稿稼以  
重甦灑輕埃而泯絕群心悅懌百穀滋榮觀  
豐兆則信可徵推薦苗則知不作倉箱有望  
長幼無虞輒憑玉笈之靈科用答

高真之景貺共荷鴻休均蒙大賚

祈雨文

天且何言示咎徵而見譴人能知懼託誠意  
而可穰敢罄愚衷仰干神聽伏念臣等子身  
致養以食為先儻有害于三時將阻饑於數

口爰從比歲併值旱災百穀無成屢失豐登  
之望四民何賴共形捐瘠之憂豈非積惡之  
招以致恒暘之罰尚祈悔過是用新心乃延  
琳宇之流試講金科之典冀雲軒之來格宥  
窮狗之無知甘雨祥風茂育大田之稼歡聲  
和氣載歌高廩之年

祈雪文

王良粉謹以清酌庶羞之奠致祭于  
將軍華池之神惟神祐此一方千百年矣民  
知有賴于神故望於神者重則神之於民也  
忽棄之手切以自秋八月至于今一百五十  
餘日旱乾塵野雨雪杳然民之病者甚眾麥  
之槁者寔多來歲夏望民懷愁額抑亦良粉  
為政之不善歟抑亦有冤獄未雪歟然政之  
不善吏之不職民何辜焉伏願神惟民愛而  
速降瑞雪使民有來赴之望則科差易了而  
無逋逃之患盜賊弭寧而各安其業矣神其  
鑒之尚饗

龍角山記

天壇王屋山聖跡叙 中嚴堂胡明 不八

唐廣成先生社元真誤

國家保安宗社金錄籍文設羅天之醮投金  
龍玉簡於天下名山洞府謹按道藏龜山白  
玉上經具列所在去處十大洞天內一王屋  
山清虛小有之洞周迴萬里在洛京西北王  
屋縣仙人王真人治之傳曰黃帝於元年正  
月甲子列席於王屋山清齋三日登山至頂  
於瓊林臺禱

上帝破蚩尤逆勅王母降於天壇母既降黃  
帝親供侍焉王母迺召東海青童君居九天  
玄女授與破蚩尤之策黃帝依命殺蚩尤於  
冀天下乃無不克海內安然王母遣西方白  
虎之神賜黃帝玄羽之衣迺命帝會於孤竹  
之野帝欽命齋戒嚴駕而行既至孤竹見空  
中千乘萬騎或有鬚青衣童子數百人或  
五彩羽服或乘飛龍或乘飛虎或乘鸞鶴或  
執珠幢錦傘霓旌絳節或持如意九曲几及  
前後歌舞妓樂不可名狀俄見寶車一乘駕  
五色班龍九頭上有羽蓋九重中有女仙一

人衣黃裳戴金冠隱隱而至左右侍從有仙童一人謂帝曰此西王母也帝接至母令仙童二人命帝坐賀帝曰聖躬安天下寧矣又即戎事得無勞乎帝謝曰賴上帝厚恩聖母諭教得寧天下豈敢稱功乎母乃命飲筵上花果罇罇器皿光赫大小各異而不能辯其一焉復遣仙女宋妙英歌萬年長生之曲歌罷母賜帝茹芝數枚食之不饑不渴又賜修真七昧之書授訖母冲天而去後三載於八月一日母遣西方白虎之神為使命黃帝時在大隗山受母命帝即齋戒至洛陽帝自白坡涉渡至王屋清齋三日登山即八月十五日至上祝香禱焉俄而西方天香馥郁自天而下遍聞山谷青鳥先至帝曰阿母降矣俄而見空中千乘萬騎一如孤竹之儀既降天壇帝列席下見仙眾羽服冠簡環佩履馬帝乃頻顧之母曰帝何為哉帝曰恐左右不謹母曰帝何不實耶帝乃實對母曰天上之服非凡間之有此衣非朝禮星辰國王父母不可服也帝曰朕南面承尊不敢以羽衣賜

人臣母曰善羽衣不拜帝王者自此始也帝欲設食母止之謂帝曰吾之仙眾不饑不渴豈欲造人間之饌乎王母誠帝曰設欲供養神仙上界星辰日月但擇吉日築壇場設淨席布香燈花果而已如無用清木華苗代之餘皆不可言畢王母賜帝碧霞之漿赤精之果訖王母冲天而去自此每年八月十五日四方善士雲集於此山此日亦係清虛宮中考校功行仙籍於此山也又真誥云玄元帝時命四海龍神所修天下十大洞天用彊鼓之石重重相疊於此尚存焉又上方院者即上訪院也昔軒轅黃帝訪尋四山故曰上訪院後司馬承禎改作上方院也唐睿宗皇帝時玉真公主於金仙觀修道今即靈都觀是也帝幸真元金仙二觀與西京相對出玄武門渡大河至東章村為之曰東章驛勅東濟源縣南河清縣西邵源縣北陽城縣四縣界分巡護金仙真元二觀王屋山自軒轅黃帝後至晉南嶽魏夫人上帝遷魏勅小有洞主王子登下教魏華存於小有清虛宮中四十

七真受學道畢南嶽靈官仙眾自清虛宮迎夫人赴南嶽衡山司命之任矣蓋天地不言須憑集文籍開示古傳實迹今錄聖境真元混沌未分道氣包含妙本陰陽既判真形出見玄經著為圖經俾來者知所自云